

Frantziak ez du oraindik egin Unai Parot Parisera eramateko eskaera

Justizia Ministerioak ez duela ezer jaso dio Fungairiño fiskalak

Frantziako agintariek Espainiari oraindik ez diote eskatu Unai Parot Parisera eramateko, 'komando ibiltariaren' aferan deklaratu dezan. Entzutegi Nazionaleko fiskalak esan du traslado eskaera ez dela oraindik Justizia Ministeriora iritsi, eta helduko balitz ere Fiskaltza kontra agertuko litzatekeela.

MADRIL

Pariseko Auzitegi Korrekzionalak joan den ostegunean agindu zuen Espainian kartzeleratuta dagoen Unai Paroten agerraldia. 'Komando ibiltaria' edo 'Argala komandoaren' aferan auzipetuek —Francisco Mujika Garmendia, Jose Mari Arregi Erostarbe, Domingo Aizpurua Aizpuru, Jakes Esnal, Jon Parot, Frederic Haranboure eta Jose Otsoantesana— Parot bertan egotea exigitu zuten, sumarioak jasotzen dituen bere deklarazioak torturapekoak eta baliogabeak direla argudiatuta. Abokatuek ere ezinbestekotzat jo dute Paroten deklarazioa. Jean Ives Monfort epaimahaiburuak datorren ostiralerako deitu du Parot, baina agerraldia ziurtatu artean auzipetuek ez dute epaigelan egoterik onartzen, eta beraiek eta abokaturik gabe burutu dira epaiketaren lehenengo bi saioak.

Dena den, Frantziako agintariek ez diote oraindik Espainiari trasladorako eskaera egin. Monfort epaileak fiskalari eskatu zion Unai Parot datorren ostiralean epaiketaren egoteko «ahal den guztia» egiteko. Eduardo Fungairiño, Entzutegi Nazionaleko fiskalak adierazi duenez ordea, es-



Eduardo Fungairiño, Entzutegi Nazionaleko fiskala.

kaera hori oraindik ez da iritsi Justizia Ministeriora. Iritsiko balitz ere, Fiskaltza Parot Parisera eramatearen kontrako agertuko litzatekeela gaineratu zuen.

FISKALAREN USTEZ EZINEZKOA DA

Bi estatuen arteko elkarrekiko laguntza printzipioa ez dela betetzen eta gainera, Paroten trasladoa onartuta ere, tramiteak hiru bat hilabete luzatuko liratekeela argudiatu zuen atzo Fungairiñok. Justizia Ministerioak Frantziaren eskaerari baiezkua emanda ere, Unai Paroten kontrako sumarioak zabaldu dituzten Entzutegi Nazionaleko epaileek beren

onespena eman behar dute. Parot aste baten buruan Parisera trasladatzea beraz, ezinezkoa da fiskalaren esanetan.

Espainia eta Frantziaren artean ez dagoela elkarrekiko laguntzarik argudiatzen du baita ere Fungairiñok, «bost aldiz baino gehiagotan esan die ezetz gure eskariei edota erantzun ere ez die egin». Pariseko Auzitegi Korrekzionalak Paroten deklarazioak beharrezkotzat jotzen badu bi alternatiba dituela esan zuen fiskalak, «hemen burutu diren epaiketetan Parotek egin dituen deklarazioak irakurri, edota galdetako batzorde bat Espainiaratu deklarazioa har diezaion».

Egiagarai: «Ardanzak ez du inoiz ulertu autonomi itunaren esanahia»

DONOSTIA

Juan Manuel Egiagarai Administrazio Publikoetarako ministroaren esanetan, Jose Antonio Ardanza Euskal Autonomi Elkarteko lehendakariak «ez du inoiz ondo ulertu autonomi hitzarmenak esan nahi zuena, eta nahastu egin du itun ekonomikoa Eusko Jaurlaritzako eta nazioko gobernuen arteko harremanetan betetzeke dauden transferentzien arazoarekin». Hori da, Egiagaraiaren ustez, transferentzien auzian Gasteiz eta Madrilak dituzten ezadostasunen «funtsezko» zergatia, baina arazoa «ulermen eta elkarriketaren bidez» konponduko dela iritzi dio.



Juan Manuel Egiagarai.

Autonomien Egoerari buruz joan den astean Senatuan egindako eztabaidak «autonomien estatua errealtate bat» dela egiaztatzeke eta Senatu lurralde ganbara bihurtzeko saiaketa gisa balio izan zuela adierazi du Egiagaraiak 'Panorama' astekariaren azken alean. Bere hitzetan, «1978tik hona aurrerapen ikusgarria egin da botere politikoaren edo gastu publikoaren desentralizazioari dagokionez».

Denbora tarte horretan Senatuak «bérebiziko garrantzia izan du bigarren irakurketarako ganbara bezala, eta Kongresuan eman ez diren akordioak lortzeko tokia ere izan da», adierazi du buruzagi sozialistak.

Senideak Almeria eta Cacereseko espetxeetarantz abiatu da gaur

BILBO

Senideak elkarteko batzorde bik Caceres-II eta Almeria-ko espetxeak bisitatuko dituzte gaur. Senitartekoek preso bizi baldintza latzen iraupena salatu nahi dute. Horretaz gain, beraien asmoa aurreko elkarriketetan agindutakoak betetzen ari diren ala ez ziurtatzea da.

Senideak elkartek Caceres-II espetxean dauden preso en egoera larritzat jo zuen, 38 eguneko gose grebaren ondoren bertako arazoek konpondu gabe baitiraute. Cacereseko espetxean hiru hilabete gora daramate presoek ziegatik atera gabe, bertako bizi baldintzen hobekuntza eskatzeko.

Senideak-ek atzo adierazi zuen egoera bi horiek ez direla preso en sakabanaketa politikak eragindako «ikuspegi krudelaren adibidea baino». Politika horrek «preso en

kontra eragiten diren irregulartasun eta injustizia andana ezkutatzeko» salatu zuten ahaideek.

Presoen etxekoak biltzen dituen elkartek gizarte sektoreen isiltasun axolagabea gaitzetsi zuen, honek ahalbidetzen baitu preso en aurka «zigorgabetasunez» ekitea.

«Presoak beren borondatearen aurka bergizarteratze ustel baterantz bultzatzeko ekimenak ezin justifika dezake Ceuta, Salto del Negro, Puerto de Santa Maria, Caceres, Almeria, Fleury edo beste espetxe batzuetan izan daitekeen errealtate ahanzte edo isiltzea» nabarmendu zuten. Senideak-en ustez ez du ezertarako balio batzuentzako eskuzabaltasuna aipatzea, beste batzuentzako zigor gogorrez lagunduta badoa. Gauzek horrela iraunez gero preso gehiago eta ondorioz senide gehiago egongo dela ziurtatu zuten.

Inkestetan boto oreka ikusita PPren alde bozkatzeko eskatu du Peonek

BILBO

Azken inkestek erakusten duten PSOE eta PPren arteko alde txikia ikusita, Javier Peonek alderdi eskuindarrari botoa ematea eskatu zuen atzo. Demascopia enpresaren datuez baliatuz EAEko PPren idazkari nagusiak bertoko botoek balantza «PSOEn iraupenaren ala PPren aukeraren» alde eramateko garrantzia izango dutela azpimarratu zuen.

Peon PSOE eta alderdi abertzaleen arteko batasunak gehiengo osatzerik ez daukala utzi zuen agerian. «Honek gogoeta egitera bultzatu behar ditu orain arte aukera abertzaleen alde bozkatu duten hautesleak, herri honentzako gauzarik onena zela uste

zuten arren PSOEek EAJren etengabeko laguntza biltzen zuela ikusi dutelako, eta orain EErena ere bai». Hauteskunde data zehaztuta ez dagoen arren, Aznarren alderdiak botoa eskatzen dihardu. Egungo Gobernuak Kantauriko itsasertzean eta Ardatz Atlantiarrean kalteak eragin dituela aipatu du arrazoi gisa beretzat botoa eskatzeko.

Frantziako hauteskundeen islada hartuta, PP ere ziur dago sozialisten porrotaz. «Bakoitzak galdetu behar dio bere buruari nork nahi duen gobernatzea hurrengo lau urteotan: azken 12 urteetan gobernatu duten ala Frantziaren bultzada adoretua jaso duen belaunaldi demokratiko berri baten proiektu politikoak» galdetu zuen PPK.

Herri Batasuna: «Adiskidekeriaz egiten da Bilbon lanen kontzesioa»

BILBO

Bilboko Udalak «adiskidekeria» erabiliz egiten dituela zenbait udal lanen kontzesioa uste du HBk, eta «larrria eta eskandalagarria» gertatzen ari dela. Kepa Ibaibarriaga Bilboko HBko zinegotziak idatzi bat igorri dio bere alderdiaren izenean Josu Ortuondo alkateari Sagarretxe S.A. enpresari egin zaion kontzesioa salatuz, «kasik 11 milioi pezetako bi lan modu zuzenean kontratatu direlako».

Juan Manuel Corbera agertzen da aipatu enpresaren or-

dezkarri modura, eta HBko zinegotziak atzo azaldu zuenez, «jendaurrean ezaguna da gizon honek Rafael Aurrekoetxea, Udaleko Lan eta Zerbitzuen zuzendariarekin duen adiskidetasun eta auzokidetasuna». Adjudikazioak egin zirenean Sagarretxe enpresak ez zuela bere izena Gizarte Segurantzaren emana eta ezta Kontratazioaren erregistroan ere azaldu zuen Kepa Ibaibarriagak. Legez kontra jokatu dela beraz, eta erantzukizuna EAJrena era badela salatu du HBk. Rafael Aurrekoetxearen dimisioa eskatu du.